

M212: Gedicht von der Siebenzahl

- 1,0 DE vii . Sigillis
 1,1 Do iohs der bote was versant so verre in des meres sant
 1,2 duo iroffenete ime diu . gotescraft dei vvnter also manichslat .
 1,3 er sach ein bovch da gescriben . bisigilit wa iz mit insigelen siben .
 1,4 daz niemen torste insigilen . in erde . noch in himele .
 1,5 e daz gotes lamb irslagen wart . daz irstuente ein levwe vvar .
 1,6 daz hate siben ovgen daz eroffente uns dise gotes tovgen . Ecce uic- leo d .
- 2,1 Hie mit sigilin wir unser brust . wider die siben achust
 2,2 die gotes gaist hat vertriben . mit sinen geben siben .
 2,3 disiu zal ist so here . svvie der tiufel . daz verchere .
 2,4 der chvit daz der gelongen habe . der dir von siben ivvvecht gesage .
 2,5 so uient ist er dirre zale si ueriaget in uz em gotes sale .
 2,6 vor ostrin in siben scrutiniis . mitsam manigen sacram-tis .
- 3,1 IN dirre siben gewage . segenote got dem sibenten tage
 3,2 in seshen habet er wre braht . siniu vverch so manichslat .
 3,3 er ruowot in dem selbem tage . in demo slif er sit in me grabe .
 3,4 sehs alter went uns dirre lib . in me sibenten rastet man ioch wib .
 3,5 daz sint sibene sune iobes . zvvir sibene iar iacobes .
 3,6 in den er verdienote . zvvai wib . daz bezachienet unsern zwiscen lib .
- 4,1 Do diu siben horn chlungen . da mit wart iericho gevvnne .
 4,2 si gien dr umbe siben stunt do vil div movre sa ze stunt .
 4,3 div burch was du haidenscraft di erviht des heren gaistescraft .
 4,4 er blis ir zuo mit sinen geben . si muose wantelen z ir leben .
 4,5 der boten leir si umbe gienc . mit zaichene wntere si si fienc .
 4,6 daz sint engele sibene von den apokalissis hat gescriben . App-hendent vii
 . M . v . s .
- 5,1 Also der wissage chuit . bigriphen sculen ein man siben wib
 5,2 einen man allegemane . vernemet war er daz maine .
 5,3 daz sin sibene xpenheit eine . daz waren siben ovgen na eim steine .
 5,4 unde siben liehtvaz . so uns zel der herre Zacharias .
 5,5 unde dei siben liethsternen . in der zesvven des herren .
 5,6 unte siben horn des lambes . dannen scribit sc-s iohs .
- 6,1 So hi bovere die israhelite . bigiengen . ir ovsterliche zite .

- 6,2 si dulten s alle siben tage . chuskes mazzes danne gevage .
6,3 sie azzen alle brot . unrhaben . si ne scolden . vbili niuht haben
6,4 div ubele suret daz mvot . same der heuele den taic tuot
6,5 wilder lattuocho . was och ire maz . der rivue bittere zaicte daz
- 7,1 Iemer an dem sibinten iare . do was wilen iar der rawe .
7,2 so rastet erde ioch der phluoc . si hatten alle sus genuoc .
7,3 after siben stunt siben iaren . wi fro danne arme unte riche waren .
7,4 der gechofte scalc . gie frieliche heim . do ne was ubiral . getuuanc nihein
7,5 iubileus hiez daz wnneiar . iz zaicte die vunne die wir han .
7,6 in gedinge . nah der gotes urstente . in hente nah disses libes ente . Pat-
misericorae .
- 8,1 Nv biten vvir den vater der gnaden . daz er ruoch ze gnaden .
8,2 der Petre z em erist tete chuont daz er vergeben scolt . sibenzet siben stunt
.
8,3 herre du der unser not waist . sent uns dinen sibenvalten gaist .
8,4 der unser muot gevvisse . ze bittenne . daz dir gtrise .
8,5 in des crefte . so ist der gewalt . ze uerlazen die sunde manichfalt .
8,6 der die riwegen Marien troste . dor sie von den siben tiufelen loiste .